

K32/27

1/4

S. 582 (45)

S. Naca.

1

1b 0-1b ~~AM/7/27~~ *Custom regarding the rendering of services*
Go irela mongwe.

Go na le ditiro tse ntsi tse e reng fa mongwe a iretse yo mongwe a duelwe, ke thulelo ya matlo, ke go loga ditshio, ke go ira maso le mafetlho, go loga ditlatla le metlhotlho, go epa masimo le go lema, ke go upa masimo le go paraka sefako, ke go alafa le go tshwara motse. Gape ke go laola le go gunolla moraba, gape ke go bota le go keketa ntlu, go suga le go roka kobo tsa matlalo, ke go bofa mafeelo le go loga magogo le dithebe, gape ke go disetsa dikgomo le go sega bojang. Ga Mfatlha fa monna a rulela ntlo ye kgolo o kopa ponto le lesome.

2

Mogaka Makakaba mmuna pitsi ga Mfatlha Lebotlwane o kile a tla go aga n'lu ya Mmusi fa Lebotlwane, mme e rile fa a sa na go fetsa thulelo a duelwa ponto le lesome ke monna wa Nawa. Mogaka monna wa Makakaba a boela a bitswa ga Nawa ke Ramabele, go ya mo rulelela ntlwana. Mogaka e rile fa a fitlha a kopa tuelo ya lesome le mašelang a matlhano, mme e rile a feditse go rulela ntlwana a duelwa lesome a fiwa le sekokoro sa kuane a itumela. Mogaka ke yena seruledi ga Mfatlha. Fa monna a loga setshio o batla tuelo ya ponto tse tihano kapa mabele a ka tlalang sona setshio.

3

Ga Mfatlha Mpopi monna wa mmuna phuti wa Fawa ke mologi wa ditshio le mosugi wa matlalo le Edia mmuna phuti wa Tsiane ga Mfatlha ke mosugi wa matlalo le mologi wa ditshio. Edia o re fa kobo e logilwe ya rokwa pila ke ponto tse tharo fa e le kobo ya dinku, fa e le ya dibata tsa bophokobye le bo-thwane ka bo-nkwe ke ponto tse fera-pedi go ya ka bogolo ba kobo. Kuane ya tshipa fa e logilwe ke setlhano le ya phokobye ke setlhano. Mafetlho le maso a rekiswa šelang le soka, kapa mašelang a mabedi.

Ramogolana monna wa pitsi ga Mfatlha ya agileng Modubyanane ke moseti wa maso le mafetlho, fa a sa na go a ira o ya a rwala a ye go a bapatsa Lebotlwane, mme e tla re a fitlha mosate a ipega gore o tla tlogela le lengwe mosate a tsamaya a rekisa a bapatsa. A bolelele batho gore ga a batle tshetele fela le mabele o ya a

RM/

bapala, janong batho ba tla reka ka mabele. Fa lesa le batla šeleng tse pedi mosadi a le reka ka mabele, o tla tsaya selwana se se rekilweng maseleng a mabele a se tlatse mabele a a neye Ramogolana. Fa lefetlho le batla mabele a šeleng a se tlatse mabele. Le fa go rekiswa dinkgo go irwa jaana fela, fa nkgo e le ye kgolo fa mosadi a e batla o tshwane+se go e tlatse mabele. Nkgo e ngwe le ye ngwe e rekwa ka go tlatse mabele, fa di rekiswa madi nkgo e kgolo thata ke ponto, ye e e tlhatlhamang ka botona ke lesome le a matlhano. Tse nnye di fella ka šeleng thekiso ya tsona.

4 Mmamosito mosadi wa Moima ya tserweng ga Nawa Tsiditsane ke mmopi le moapei wa dinkgo le mafiso. Fa a sa no nna a bopa dinkgo a ba a di fiseletsa o bofella koloi a yo di bapatsa Dilokong le Monyagole le Lebotlwane. Ke Dilokong e kile a ba a tswela a gumane kgetsi tse lesome le tse tlhano.

Mmamosito o re nkgo e itheka e le yona fa e irilwe meseto ya makgabisa e bitsa madi a mantsi. Ditlatla le tsona di rekiswa ka go tshelwa mabele ja ka dinkgo. Metlhotlho yona e batla tuelo go ya ka bogolo ba yona, o monnye o le mongwe ke seleng kapa tlatlana e tletseng mabele, ye megolo metlhotlho ke maseleng a mabedi le soka kapa tlatla e kgolo e tletse mabele. Mmatsatsi mosadi wa Molekwa o kile a ba a rekisetsa Halerong motlhotlhonyana wa šeleng, mme Halerong mosadi wa Tsiane a ba a mo kopa gore a mo irele wa maseleng a mabele le soka. E rile fale a o irile a o isa go Halerong mme a gumana madi a gagwe. Maselo le wona a batla madi go ya ka bogolo ba wona. Ga Mfatlha ga gona mologi wa maselo ba atisa go reka maselo go banna ba kwa Kgafela ba ba neng ba tlo bapatsa maselo fa ga Mfatlha Levotlwane. Leselo ke maseleng a matlhano, le lennye ke maseleng a mararo le soka, le lennye nnye ke seleng tse pedi. Mmantebaleng mosadi wa Ntladi ya tserweng ke Mmusi ga Nawa o kile a reka le lengwe lesolo go Ba'gatla ba ga Kgafela ka seleng tse tharo le soka gona Lebotlwane.

5

Monna wa Kekane ja ka ka e le moruta-bana e rile fa a falalel
 Lebotlwane a fiwa tshimo ke ba-mošate ka molao. Janong ke fa a
 batla monna ya ka mo epelang tshimo go tlosa sekgwa ke fa a tla
 gumana Letleya monna wa Molapo, Kekane a bolelela Letleya gore fa
 a mo epetse tshimo o tla mo duela ponto tse tshelang, Letleya a
 epa tshimo a ba a e felletsa pila. E rile a e fetsa monna wa
 Letebele mmuna tlou a mo duela ponto tsa gagwe. Ga fitlha monna wa
 Motsheko mmuna phuti wa Seleka ya agileng Lebotlwane a fitlha
 a batla Letleya monna wa Molapo ka pholo e tshumu gore a yo mo
 epela tshimo. Letleya a dumela a yo epa tshimo ga Motsheko,
 e rile a fitsa a duelwa pholo ya gagwe. Fa ga Mfatlha Maila fa
 monna a batla yo mongwe go epela tshimo o mo supisa kgomo e
 kgolo e seng namane.

6

Le dingaka ke banna ba theyang etse kapa ntlu ka kgomo.
 Fa ngaka e alafile sejeso motho a fola e duelwa ka kgomo kapa
 ponto tse supang. Fa morena Ramabele a theya ntlu ya gagwe Potwa-
 neng o duetse ngaka phologolo ponto tse supang. Malwetse a
 mannye dingaka di duelwa lesome kapa pudi. Mabusa ngaka Motshakane
 ga Mfatlha fa e laola motho e duelwa mašelang a mabedi le soka,
 le Seforo monna wa Molapo mmuna phuti fa a laola motho o kopa
 šelang tse pedi le soka. Fa a gunulla moraba ke ponto.
 Tshitshila mmuna phuti wa ga Nawa o ile a fitlha go Seforo kwa
 Rakgotbo a kopa ditlhako, Seforo a re tsa gagwe ke mašelang a
 mabedi le soka, Tshitshila mokgomana wa Nawa a ntsha mašelang
 awo. E rile a fetsa go laola ditlhako Mophuting a mo kopa molemo
 wa magole, ngaka ya re gunulla moraba. Tshitshila a botsa gore mo-
 raba o gunullwa ka bokae, Seforo Molapo a re kgunulla moraba ke
 ponto. Ke fa Tshitshila a nya ponto, ngaka ya thoma go bofolla
 kgetse ya ditlhare ya mo naya digwere go ya fufutsa, ya mmolelela
 gore fa a fodile ke gona a tla ntshang ya dinaka kgomo.

Ngaka fa e alafa tshimo e kopa pudi tse dingwe di batla
 kgomo fa di kgaga tshimo ya monna. Ngaka tsa Mfatlha fa go paka
 Lebakeng monna wa Matsila o bogolo-golo fa e go alafile ngaka
 wa ba wa duela ka e dinaka, ka moso fa o tla ga o sa ~~duela~~ duela le

582

K32/27

4X

6 cont

fa o ka tliša mosadi a lwala ga o sa duediswa; ke gore janong ke mokgotshe wa gago o ka nna wa mo gopola ka nako fa o setse sengwe motsoko kapa dijo sengwe le sengwe.

Go thwe batho ba ba rekang boloi fa dingakeng ba duela ka kgomo mongwe le mongwe. Basadi ba atisa go duelana ka mabele le ka mesese fa ba thusanye go boteng le go kgomeng. Basadi ba bathologadi bona ba thuswa thata ke banna go lemeng le go epeng ditlhare fa ba ba iretse bojalwa.

END. 582.

RM/